

rat de artificijs et magisterijs dignitatibus et potestatibus que omnia forsitan obtinissent in vita ista si in ea tanto tpe permansissent. Rñdeo duobus modis. Primum quia non est certum quia aliquis earum aliqd ex huiusmodi artificijs seu artibus magisterijs aut dignitatibus obtineret etiã si tamdiu in vita ista permansisset et hoc vti q̃ tunc certum erit quoniã manifestum erit tunc diuinam prouidentiam aliter de hmoi muneribus ordinasse. Secundo respondeo quia magisteria et dignitates et artificia distribuit bonitas creatoris ad communes utilitates hominum q̃ ex inde apparet q̃a homines se inuicem indigent ppter huiusmodi artificia et officia. Quis enim est qui textore et artificio texture non indigeat. Similiter fabro et arte et fabricandi. Magistratibus autem potestatibus iudicibus ad uocatis et bellatoribus quantum res humane indigeant quis non videat. Per hos et iusticia et pax et fit et seruetur inter homines per quas potissimum bene est hominibus bene inq̃ fm naturam. Sicut et contraria videlicet bella lites et iniusticia res humanas perturbant atq̃ confundunt ipsamq̃ vitam humanam destruunt propagationem etiam et educationem generis humani multipliciter impediunt sicuti nosti.

Uoniã at multa in hoc capitulo agere gregata sunt tibi quedam de beneficentia largitatis creatoris quedam de rectitudine iusticie ipsius. Quedam vero de perfectione et decore status vniuersalis generis humani videlicet quia vltimitas pulchritudinis ipsius est in qua euidenter apparet beneficentia largitatis creatoris et rectitudo iusticie ipsius et perfectiones nature humane. put conueniens est bonitati et iusticie creatoris. et dictum etiam est tibi quod genus humanum est in istis dispositionibus. put decet magnificentiam et gloriam creatoris et hic est status eius optimus atq̃ pulcherrimus utpote sapientie et bonitati eius conuenientissimus et per hoc clarnit tibi resurrectio mortuorum tam maiorum q̃ bonorum tam paruulorum q̃ magnorum. Tuum erit de cetero ex his studiose ac diligenter considerare an per hec omnia sufficienter declarata sit tibi renouatio vniuersi corporis futura in ea parte sua que genus humanum vocatur siue vniuersitas hominum et siquidem acquisita est tibi certitudo huiusmodi renouationis per hoc

et destructi errores contrarij gratie tibi et mihi agende sunt bonorum omnium largitori. Alioquin saltem vie tibi multe et pte sunt et inicia tradita per me quibus et perscrutatus inuestigare et facilius inuenire super rebus a consuetudine nostra tam longe distantibus poteris veritate. Ego vero put distractiones occupationum permiserunt fm possibilitatem meam confiderio tuo curavi satis facere in hac parte et certum est mihi quia exercitatis in rebus diuinibus atq̃ philosophicis et veritatis salutiferis amatoribus sufficit que audisti. Non sequenter igitur persequar alias que restant de questionibus que circa hec sunt. Quarum prima est de reliqua parte vniuersi corporis an et ipsa renouationem vel meliorationem receptura sit. Scito igitur quia sermones prophetarum hebreorum hoc vident inuenire prophetie vero christianorum expressa se hoc testantur. Uidi inquit vnus ex prophetis eorum celum nouum et terram nouam. Primum enim celum et terra abierunt. In ipsa lege et doctrina christianorum multa de hoc et clara testimonia de ista renouatione poteris inuenire. Quod si quis dicat quia celum et terra incorruptibilia sunt et immutabilia. Respondendum est ei quia nihil habent omnia hec nisi quod acceperunt ex solo beneplacito creatoris nec stant nec permanent nisi eo conseruante et retinente. quemadmodum ipse etiam plato testatus est dicens ex persona creatoris loquentis ad eos et dicentis natura quedam nos dissolubiles me autem sic nolente indissolubiles. Nulla igitur necessitate nec prophetica est omnipotens voluntas creatoris a renouatione et melioratione celorum et celestium corporum. Jam autem testificati sunt prophete quia et terris et fluminibus et vegetabilibus atq̃ animalibus et melius et deterius fuit propter homines. Certum etiam factum est hoc experientia multiplici quia et celi non dabant pluuiam neque rorem aliquando propter maliciam hominum et sicut dixit propheta hebreorum terram fructiferam dedit in falluginem a malicia inhabitantium in ea. Audiuisti etiam famosissimas subuersiones ciuitatum quoniam et totius regionis illius exterminium et qualiter cum esset ante sicut paradysus dei facta est postmodum vastitas horribilis. Note et sunt tibi plage egypti antique quibus percussa est a creatore et in fluminibus conuersione. Et san-